

العقيدة الطحاوية 69 - الترغيب في الجنة

محمد حسين يعقوب

اعوذ بالله من الشيطان الرجيم. بسم الله الرحمن الرحيم ان الحمد لله احمده تعالى واستعينه واستغفره واعوذ بالله تعالى من شرور
انفسنا ومن سيئات اعمالنا من يهده الله فلا مضل له - [00:00:00](#)
ومن يضل فلا هادي له واشهد ان لا اله الا الله وحده لا شريك له واشهد ان محمدا عبده ورسوله اللهم صل على محمد وعلى ال محمد
كما صليت على ابراهيم وعلى ال ابراهيم انك حميد - [00:00:21](#)
مجيد اللهم بارك على محمد وعلى ال محمد كما باركت على ابراهيم وعلى ال ال ابراهيم انك حميد مجيد يا ايها الذين امنوا اتقوا
الله حق تقاته ولا تموتن الا وانتم مسلمون - [00:00:46](#)
يا ايها الناس اتقوا ربكم الذي خلقكم من نفس واحدة وخلق منها زوجها. وبس منهما رجالا كثيرا ونساء واتقوا الله الذي تساءلون به
والارحام ان الله كان عليكم رقيبا يا ايها الذين امنوا اتقوا الله وقولوا قولا سديدا - [00:01:15](#)
يصلح لكم اعمالكم ويغفر لكم ذنوبكم ومن يطع الله ورسوله فقد فاز فوزا عظيما اما بعد فان اصدق الحديث كلام الله تعالى وخير
الهدى هدى محمد. صلى الله عليه واله وصحبه وسلم. وان شر الامور - [00:01:49](#)
محدثاتها وكل محدثة بدعة وكل بدعة ضلالة وكل ضلالة في النار. سم اما بعد فاختوي في الله والذي فلق الحبة رأى النسمة اني
احبكم في الله واسأل الله جل جلاله ان يجمعنا بهذا الحب في ظل عرشه يوم لا ظل الا ظله. اللهم اجعل عملنا كله صالحا -
[00:02:17](#)
اجعله لوجهك خالصا. ولا تجعل فيه لحد غيرك شيئا احبتي في الله كيف حالكم مع الله وحشتوني بعد هذه المدة الطويلة. ربنا
يكرمكم قال رسول الله صلى الله عليه وسلم المؤمنون هينون - [00:02:47](#)
لينون وفي رواية المؤمن هين لين كالجمل الالف اذا قيض انقاد وازا ان انيخ على صخرة استناخ حتى لو قعدتك على طوبة اقعده
كلام سيدنا النبي صل عليه. صلى الله عليه وسلم. وانا بحبكم في الله. مش عارف ليه؟ بس هو الحب بيحي زي الانفلونزا كده من غير
سبب - [00:03:13](#)
انا بحبكم في الله دلوقتي وانا بقول المقدمة وانفرس وجوهكم كده واحد واحد ابص على الناس اللي واحشني والوجوه اللي انا
افتقدتها في الايام اللي فاتت. وقلت في نفسي انه ما - [00:03:42](#)
تسناش ليه في اي درس في اي منطقة ان انا اعمل كده ان انا ابص للناس واحد واحد ببقى حاسس ان انا سلام عليكم وكده يعني
واخلص وامشي. لكن انتم اهلي وعشيرتي. وانتم اخوتي واحبتي. وانتم اه اللهم اجمعنا في الجنة - [00:04:02](#)
اللهم اجمعنا في الجنة. اللهم اجمعنا مع النبي محمد صلى الله عليه وسلم. ولا تفرق بيننا وبينه حتى تدخلنا مدخل اللهم كما حرمتنا
منه في الدنيا فصبرنا فاجرنا في مصيبتنا واخلفنا خيرا منها بان تجمعنا معه في - [00:04:22](#)
الجنة يا رب امين كيف حالكم؟ مع الله هزه قضيتنا وواحد اه بيقول لي وانت مش هتفضها سيرة بقى القلوب القلوب القلوب ما فيش
حاجة تاني لأ مش هتفضها سيرة - [00:04:42](#)
هي القلوب القلوب القلوب لحد ما ربنا يصلح قلوبنا. اللهم اصلح قلوبنا. اللهم اهد قلوبنا. اللهم طهر قلوبنا. اللهم نور قلوبنا. اللهم اللهم
سبت على الايمان قلوبنا. اللهم اغسل قلوبنا. اللهم نق قلوبنا. اللهم حبب الينا الايمان وزينه في قلوبنا - [00:05:03](#)
وبنا وكره الينا الكفر والفسوق والعصيان واجعلنا من الراشدين فضلا منك ونعمة وانت خير الراشدين امين اه اذا قلتوا لي طلعت بايه

من الحج السنة دي ولا هتقولوا لي انت عايش مع ايه اليومين دول - [00:05:26](#)

هتسالوني السؤال ده ولا ده الاتنين ده انتم بقى فاضيين الليلة دي. ما وراكوش حاجة. آآ طلعت بايه من الحج السنة دي طلعت بالخوف على الشرع على على السنة الخوف على الدين - [00:05:52](#)

كنت قبل ما نساfer خطبت خطبة لمازا نحج وقلت فيها ان من اهداف الحج ان تقر عينك برؤية الامة الواحدة وفعلا قررة عيني وانا شايف واحنا رايعين يوم تسعة على عرفة - [00:06:19](#)

كان كل الطرق قولوا رايع واحنا راجعين بالليل كل الطرق راجع فقترت عيني ان كل المسلمين ماشيين في اتجاه واحد ما فيش حد يعني واحنا رايعين الصبح ما كنش حد راجع صح ولا لا - [00:06:42](#)

واحنا راجعين بالليل ما كانش حد رايع هي دي الهدف المرجو ان يكون المسلمون كلهم ها اتجاه واحد احنا اصحاب قبلة واحدة رب واحد نبي واحد هدف واحد الجنة كده كده ليه - [00:07:06](#)

ولكن مما ارق فكري واهمني وانا في جلسة العيد انتم ما جيتوش ليه في جلسة العيد مش انا دعيتكم قبل ما اسافر؟ قلت لكم خامس يوم العيد بعد العشاء شرفونا في البيت ما جتش ليه يا رجب - [00:07:32](#)

اه ماشي يا ما جتش ليه يا كرم؟ هو انا ما اعرفش والله يا عم الشيخ. الله! اتمنى ان انا اقطع تكبيرة الجمعة. صلوا على الرسول صلي قلت لهم ان انا قلت لولادي بعد ما رجعت انا طلعت بفايدة - [00:07:54](#)

ان انا مش هشيل اللهم اللهم انا نعوذ بك من الهم والحزن. اللهم انا نعوذ بك من الهم والحزن اللهم تحمل عنا همومنا. اللهم فرج هم المهموم - [00:08:14](#)

قومي واكشف كرب المكروبين. اللهم نفس كرب المكروبين وازل هم المهمومين من المسلمين وانجي المستضعفين من المؤمنين فلكن بقول لكم ان لما اهمني في في الحج البدع البدع تفاجئ ان كل سنة في الحج في بدعة جديدة - [00:08:36](#)

فوجئت ان الناس يوم سبعة ماشيين المغرب يوم سبعة ذي الحجة رايعين فين؟ قال له رايعين منى ليه قال له هنبات في منى تباتوا في منى ليه المبيش في منى - [00:09:08](#)

ليلة تسعة مش ليلة تمانية قالوا لأ عشان الزحمة يا عم اقعد لكل الشركات راحة فوجئت انهم راحوا يوم سبعة ودي بدعة بيسموها بدعة اضافية يوم تمانية بالليل حتى المعسكر اللي انا فيه - [00:09:24](#)

الشركة اللي انا بحج معها راح واخذ الناس الساعة حداشر ونص اتناشر بالليل وماشي بات في عرفة الله! هي عرفة بيتبات فيها يا ناس قال لك ده كل الشركات المصرية - [00:09:46](#)

بتبات في عرفة ليلة تسعة يوم تمانية العشاء يباتوا في عرض يباتوا في عرفة لم تخلق عرفة للمبيت ازاي انتم رايعين تفعلوا ده كل الناس كده طب ما نصح بعد الفجر نمشي زي النبي ما عمل - [00:10:01](#)

قالوا لأ اللي هيمشي بعد الفجر مش هيوصل عرفة قلت لهم لأ انا قاعد. وقعدت وجلس معي بعض الشيوخ والاخوة والنساء والعجزة واصحاب الحالات الخاصة عجيب اما شفتهم في الفجر - [00:10:24](#)

انزعجت انتم قعدتم ليه؟ قالوا اشمعنى انت قاعد؟ قلت له الله طب انا همشي لحد عرفة لكن انتم مش هتقدروا تمشوا قال له لأ اللي يممشك يممشنا هو ده اللي انا قلت الله اكبر - [00:10:46](#)

سبحان الله العزيز خرجنا من باب الخيمة في منى طلعتنا يا دوبك على الكوبري لقينا اتوبيس تطلع عرفة يا عم قال اطلع عرفة اركبوا يا ناس ركبوا وانا كان معي عربية صغنة كده بتوصلني عشان انا مكسح الشاهد ايه - [00:11:04](#)

وقلت لهم يلا اتوكل على الله الاتوبيس بكم؟ بمبلغ زهيد بسيط. ركبوا الاخوة كلهم والنساء والناس الكبار ركبوا الباص وانا خدت عربيتي ومشيت والله وصلوا قبلي والله وصلوا عرفة من منى بعد ساعة واحدة او ساعة الاربعة - [00:11:22](#)

اللي كان بيقول لهم ست ساعات وهتوصلوا بعد العصر وهتضيعوا يوم عرفة الشاهد نمرة واحد اكتب في قلبك لازم تحجوا لازم تحجوا انتم شباب اللهم ارزقنا الحج عشان تطبق السنة - [00:11:43](#)

عشان ما حدش يسوقك الاتوبيسات مشيت مع السلامة وتمشي على رجلك لازم تحج انت ما حجتش ليه يا سعيد لازم تحج السنة الجاية خلاص ان شاء الله هتحج السنة الجاية. الله اسأل الله ان يجمعني واياكم على عرفة السنة القادمة. يا رب جميعا لا تغادر منا رجلا واحدا - [00:12:07](#)

يا رب بس اعزم من دلوقتي وانوي زي ما قلت لكم قلت في الخطبة الواد اللي عايز يتجوز بيعمل جمعية صح ولا لأ بيعمل جمعية ويبستلف ويبشترى بالتقسيط وبيصرف وبيفضل يا رب ساعدني يا رب يا رب ويقول لي ده ساعدني ويقول لي ده خليك معي - [00:12:30](#)

صح ولا لا؟ لو رأى ربنا منك العزم ده هيرزقك الحج هيسر لك الحال. انا انا فوجئت ان السنة دي في ناس حجت بعشرين الف جنيه وما تزعلوش مني انا اسف ان عشرين الف جنيه ما بقوش المبلغ الضخم يعني. لان فيه حماس حجت بمية وخمسة - [00:12:50](#) وفي ناس حجت بتسعين وسبعة وسبعين لكن عشرين ده برضو يعني والناس بتوع البري ازن اقل من عشرين الشاهد ايه قل له يا رب انا عايز احج انا عايز احج وانا شباب كده - [00:13:08](#)

عايز احج وانا بصحتي كده عشان اقدر آآ احج صح يا رب عشان ما حدش يتحكم في ويقول لي الاتوبيس هيسيبك ابكي لربنا وقل له انا عايز احج خفت اللي بيباتوا في سبعة يوم - [00:13:23](#)

بيباتوا في منى يوم سبعة بيباتوا في عرفة يوم تمانية في مزدلفة بيباتوا برة مزدلفة واليومين التانيين مش عارف بيرموا الصبح ويرموا الساعة اناشر بالليل قلت هيبجي على الناس يوم يحجوا - [00:13:40](#)

غير حجة النبي بالطريقة دي الامور ماشية في اتجاه ان الحج هيبقى مش على سنة النبي مش بطريقة النبي. مش زي الحجة اللي النبي حجها وقال خذوا عني مناسككم عشان كده جاي وفي نفسي - [00:13:56](#)

ان انا اقول لكم والكلام ده انا عايز اعينه تاني بفضضة يوم الجمعة ان شاء الله بازن الله في التلفزيون اسمعه للامة كلها اقول لكم اتمسكوا بدينكم اتمسكوا بالسنة تشددوا فيها - [00:14:13](#)

ما تفرطوش في زرة لان التفريط بيجر تفريط والتساهل بيجر تساهل ولاخر الامة دي هتضيع الدين ده هيضيع بالطريقة دي انا بقول ان في دعاء النهاردة شغلتهم التسهيل والتساهل فيه مشايخ كده شغلتهم انهم يسهلوا كل حاجة مش مشكلة. ومش مشكلة. ربنا سبحانه وتعالى - [00:14:32](#)

لما قال لنا في الحج وتزودوا خدوا معكم فلوس خدوا معكم اكل افكرت السنة دي وانا قاعد في منى يوم تمانية لما حجيت اول مرة امي عملت لي شوية قرص - [00:14:58](#)

وشقق الله يرحمها اللهم ارحم امي وابويا وامواتكم جميعا يا رب اللهم ادخلهم فسيح جناتك. اللهم اجعل قبورهم روضة من رياض الجنة. اللهم اجعل جليسهم العمل الصالح. اللهم ارضى عنهم. امين - [00:15:14](#)

يقول لك عملت لي شوية قرص كده وآآ شقق اخذتها معي. كنت كنت باقرقش فيها. آآ اللهم صل على محمد صلى الله عليه الشاهد ايه؟ تزودوا خذ الزاد معك خذ اكلك - [00:15:31](#)

اخويا محمود اخويا شقيقي حج السنة دي اسأل الله ان يشفيها ويشفي مرضى المسلمين. اللهم اشفي كل مريض مسلم فوجئت ان هو جايب معه في الشنطة شايل شنطة على كتفه كده فيها جبنة جايب جبنة نستو معه وجبنة مش عارف ايه آآ جبنة بيضا معه وآآ - [00:15:46](#)

ايه يا ابني انت جايب جبنة هي السعودية ما فيهاش جبنة؟ قال وتزودوا اه يفهم احسن مني الوقت. الشاهد ايه؟ واخذ زاده معه. بس ربنا لما قال لنا وتزودوا قال لنا ايه؟ كملوا كده. اه - [00:16:03](#)

اه خدوا التقوى خدوا التقوى واتقوني يا اولي الالباب سألت المشايخ اللي بيقولوا للناس ارمي الصبح قلت له مش النبي صلى الله عليه وسلم يا ناس صلوا عليه. هو فيه ايه الناس دي - [00:16:19](#)

ايه يا عم سامي؟ انت اختفيت رحت فين؟ حمد لله على السلامة. صل على الرسول صل. صلى الله عليه وسلم. آآ لما قلت للمشايخ

لما انتم عارفين مشايخ كبار - [00:16:43](#)

حبايينا اخوانا على المنهج مش النبي وقت للرمي اوله عند الزوال؟ قالوا اه امال انت بتقول للناس يرموا الصبح ليه هل المشقة والزحام قلت له يا شيخ وفيين التقوى في الفتوى - [00:17:00](#)

انتقي ربنا في الفتوى واقول للناس ارموا الزوال وبعد كده هو لو تساهل وعمل حاجة تانية يبقى هو حر لكن انا اقول الصح ما ينفعش اقول الغلط ادل الناس غلط - [00:17:23](#)

افسد للناس حجتهم والغلبة دول بيحج حجة وما بيطولش غيرها بعد كده بوز له حجته اللي هو جاي حجة العمر. حجة الاسلام الركن عشان اسهله هو قال لك سهل لي - [00:17:40](#)

ما بنرمي بعد الزوال والدنيا رايقة وزى الفل وما فيش اي حاجة دي الاولانية طلعت بايه من الحج؟ طلعت من الحج بانك يا يا كرم لازم تثبت على الدين وتتمسك بالسنة اشد تمسك - [00:17:55](#)

وتدقق على الاخر. ما تفرطش في زرة وخصوصا هذه الفئة والا الدين هيضيع طيب بطل زعيق وقل لنا عايش معه ايه اليوميين دول؟ حاضر تدفع كم؟ صلى الله عليه وسلم - [00:18:15](#)

عايش اليوميين دول مع القرآن وآآ لسة ما فهمتش يا رب فهمنا يا رب. اللهم ارزقنا فهم القرآن اللهم ارزقنا فهم القرآن. اللهم ارزقنا تدبر القرآن ان القرآن من عظمتة - [00:18:44](#)

يعمل عمليين في ان واحد قال الله ولو جعلناه قرآنا اعجميا لقالوا لولا فصلت آياته اعجمي وعربي قل هو للذين امنوا هدى وشفاء والذين لا يؤمنون في اذانهم وقر وهو عليهم عمى - [00:19:13](#)

بالراحة دقق معي كده القرآن للمؤمنين هدى وشفاء والذين لا يؤمنون في اذانهم وقر وهو عليهم عمى حد يفهم ويفهمني بالراحة؟ هل ممكن القرآن يبقى لشخص واحد في وقت هدى وشفاء وفي وقت وكر وعمى - [00:19:50](#)

اه هي دي عظمة وخطورة القرآن اذا ما انزلت سورة فاما الذين امنوا فزادتهم ايمانا واما الذين في قلوبهم مرض فزادتهم رجسا هو انت كده لما يبقى في حالة ايمانية - [00:20:21](#)

عالية تلاقي القرآن يخليك ترفرف ولما يبقى قلبك مريض في ايام تلاقي القرآن بيزيدك رجس وننزل من القرآن ما هو شفاء ورحمة للمؤمنين ولا يزيد الظالمين الا خسارة الاية يا عم الشيخ معاز - [00:20:51](#)

اللي في اخر الحاقة وانه لتذكرة للمتقين وانا لنعلم ان منكم مكذبين. وانه لحسرة على الكافرين وانه لحق اليقين فسبح. قولوا سبحان الله سبحان الله ان القرآن يبقى تزكرة للمتقين - [00:21:29](#)

وحسرة القرآن قرة اعيننا كلام الله لسه فوجئت دلوقتي واحد بيقول لي في اخ ما بيعرفش يقرأ ويكتب بيختم القرآن مرتين في الاسبوع سماعا حاطط سماعة في ودانه وكل يوم - [00:21:52](#)

بيقرأ عشر اجزاء بيسمع عشر اجزاء هو ده لما يبقى القرآن قرة عينك بتعرف تقرا بقى ما بتعرفش تقرا بتفهم ما بتفهمش اتعلمت التجويد ما اتعلمش بس حب القرآن حين يسري في دمك - [00:22:18](#)

اللهم ارزقنا حب القرآن اللهم اجعل القرآن العظيم ربيع قلوبنا خليني اجيب الدعاء ده من اوله اللهم اللهم اني عبدك وابن عبدك وابن امك قولوا معي اللهم اني عبدك لأ مع بعض مش ورايا معايا اللهم اني عبدك وابن عبدك وابن امك ناصيتي - [00:22:42](#)

بيدك ماض في حكمه. عدل في قضاؤك. اسألك بكل اسم هو لك. سميت به نفسك او زلته في كتابك او علمته احدا من خلقك او استأسرت به في علم الغيب عندك ان تجعل القرآن العظيم - [00:23:10](#)

في مربي قلبى وشفاء صدري وجلاء همي وغمي وحزني. امين دعاء جميل وبتكسف ان انا اعدل واقوله بصيغة الجمع. اللهم انا عبيدك بنوا عبيدك. زي ما النبي قاله. نقوله اهو زي ما بلاقيها في القرآن حسبنا الله ونعم الوكيل. ما بقول - [00:23:30](#)

مش حسبى الله ونعم الوكيل. بيقول ايه؟ حسبنا الله ونعم الوكيل. وهكذا خليك دايمًا برضو ايه في هذه الامور زي ما ربنا قال نقول زي ما النبي قال نقول ونسأل الله ان يستجيب دعائنا. آآ - [00:23:55](#)

عايزين ننتقل بقى نقلة ونشوف درس الليلة واحد بلاني بجرنان وانا الحمد لله ما بقراش الجرايد عادة فلقيت في صفحة ولا نص صفحة كده واحد كاتب الشيخ يعقوب صحفي بتاع الترهيب وسلم لي على الترغيب - [00:24:14](#)

فقلت اعمالها الليلة دي ترغيب عشان اسلم له على الترغيب. ابقوا بلغوه بقى ان انا عملت حنة ترغيب اهي. فاتكلم الليلة دي عن الجنة والجنة فقط عشان انا بحبكم في الله - [00:24:40](#)

وعشان الدنيا عيد فربنا يجعل عيدنا يوم نلقاه. صم الدنيا واجعل فطرك الموت عن انس ابن مالك وابي سعيد الخدري وعبدالله بن عمرو بن العاص رضي الله عنهم اجمعين قالوا - [00:24:57](#)

وكيف يقدر قدر دار غرسها الله بيده اهو انت يا اخي مش متصور الحنة دي لما ده الحديث في صحيح مسلم قال رسول الله صلى الله عليه وسلم. لما خلق الله الجنة عدن - [00:25:21](#)

وغرس اشجارها بيده يد الله يد الله حين تغرس شجرة كيف تكون هذه الشجرة شجرة ربنا اللي زرعا بايده وعقيدتك يا مسلم انا لله يد ولكن ليست كايدينا يدا تليق بجلاله وكماله ليس كمثلته شئيه وهو السميع البصير - [00:25:46](#)

وكيف يقدر قدر دار غرس الجبار اشجارها بيده تسوى كم الجنة دي بالله عليك يا اخي ما بتقولش في نفسك يا ابو الفتوح اموت واشوف شجرة ربنا غرسها بايده اه والله - [00:26:30](#)

اشوفها دي اشوف وفي الجنة لهم فيها ما يشاؤون اقول له يا رب انا نفسي بشوف عظمتك وجلالك وانت تغرس شجرة شوف الامنيات بقى لما تبقى سبحان الملك وكيف يقدر قدر دار - [00:26:52](#)

غرسها الله بيده وجعلها مقرا لحابه وملأها من رحمته وكراماته ورضوانه. ووصف نعيمها بالفوز العظيم وملكها بالملك الكبير. واودعها جميع الخير بحذافيره. وطهرها من كل عيب واب ونقص ابن الجوزي في صيد الخاطر - [00:27:28](#)

بيقول والله انا حين اتخيل الجنة حيث لا مرض ولا نغص ولا افة تعرض بل نعيم مستقر مستمر متنامي يكاد عقلي يطيش يعني انا لما اتصور نفسي كده يمر اسبوع سبع تيام - [00:28:03](#)

وما حدش ينكد علي ولا حد يضايقني ولا يجي لي صدادع ولا مغص ولا اه ونايم مرتاح واكل مبسوط اه مش شايف بيحصل يعدي الاسبوع على بعضه كده يا جماعة - [00:28:29](#)

ولا يعدي يا شعبان بيعدى الحمد لله اللهم اكرمنا ولا تهنا اللهم اجعل ايماننا كلها سعادة. واملأ بيوتنا بالخير والبركة. وابعد عنا المشاكل والهجوم والمشاكل والاحزان والمتاعب والالام ورد عنا اذى المؤذين يا رب العالمين - [00:28:46](#)

فان سألت تعالوا نوصف الجنة كده حنة حنة فان سألت عن ارضها وتربتها عشان الشباب الصاعدة اللي موجودين ضيوفنا الكرام النهاردة ايوة رفعوا راسهم كل ايوة يا صاعدة عشان بس ايه وانتم جايبين بقى التراب - [00:29:08](#)

ارضي طب الجنة ترابها شكله ايه المسك والزعفران الارض بقى مسك الارض مسك الارض زعفران عارفين ما تعرفوش لا الزعفران ولا المسك مش مهم. بس هي حاجة حلوة. الارض التراب - [00:29:29](#)

الطينة مسك وزع وزعفران يا رب ارزقنا الجنة يا رب وان سألت عن سقفها عرش الرحمن السقف عرش ربنا وكثير قلت في موضوع ظل العرش يا نهار ابيض طب والواحد هيسيب ظل العرش في الموقف يروح الجنة ازاى؟ خرينا يا عم تحت ظل العرش - [00:29:53](#)

العرس لما احس ده سيدنا ابو ايوب لما كان النبي صلى الله عليه وسلم صلى الله عليه فوق منه ما كانش بينام بينا النبي يسمع رجل ماشية اه سيدنا النبي صلى فلما احس ان ربنا فوق العرش - [00:30:26](#)

عقيدتك يا مسلم ان الله مستو فوق عرشه استواء يليق بجلاله وكماله ليس كمثلته شئيه وهو السميع البصير. جل جلاله. لما احس ان ربنا فوق الارشونة تحت العرش منه حاسس ربي فوق. قلبك فين - [00:30:45](#)

سقفها عرش الرحمن وان سألت عن ملاطها الاسمنت اللي بين طوبة وطوبة المسك الاصفر. وان سألت عن حصابها الحصى للحجارة الطوب اللي في الشارع الرمل اللؤلؤ والجوهر قلت طب الواحد يعبي له شوية لؤلؤ في جيبه ياخدهم معها - [00:31:07](#)

يا عم انت بيتك مليون ده مترمي في الشارع مرمي ده التراب وان سألت عن بناء بيتك لبنة من فضة ولبنة من جهد وان سألت عن

اشجارها فما فيها من شجرة - 00:31:39

الا وساقها من زهب لا من الحطب ولا من الخشب وان سألت عن سمرها بعد ما جينا من الحج قلت لهم يا جماعة ما فيش مانجة؟ قالوا لا خلصت. قلت يا رب ارزقنا الجنة يا رب. فاكهة لا مقطوعة - 00:32:01

ولا ممنوح ما فيش بقى في الشتا في وفي الصيف ما فيش لا لا لا. عايز ايه ان سألت عن سمرها فامثال القلال البين من الزبد واحلى من العسل يعني كده السكينة - 00:32:27

اه ما بتعديش على حاجة. اقليم بس انت اهبر. الهض وان سألت عن ورقها فاحسن ما يكون من رقائق الحلل الخياط اللي كان بيخيط لي الله يرحمه مات الله يرحمه قولوا امين. اللهم ارحمه وارحم موتى المسلمين. عم عراقي مات - 00:32:53

محتاسين مش هتشوفوا الجانب الحلوة دي تاني. واجي لكم بقى الشاهد ايه طب ما انا في الجنة هقول يا رب اديني عراقي يبقى في الجنة مش هيشغل خياط اللهم ارحمه - 00:33:23

قالوا لرسول الله ثياب اهل الجنة فقال تشقق عنها اشجار الجنة تصدق بقى ان هيبقى عندك شجرة في الجنينة بتاعتك. الشجرة دي بتطلع لك هدوم آآ قمصان بيضة جلايب بيضا - 00:33:42

وشجرة تانية بتطلع لك عمامة مملوفاة ما هو ساعتها ما انا مش هقدر اقول لنسوانك وقولي عمامة النسوان هيقوا بشوات هناك هتعمل ايه؟ فهتلاقي شجرة بتطلع لك بنطلونات وقمصان وجرافتات وطواني وبرانيط - 00:34:04

وطرايبش ونفسك في ايه؟ اشجار بتطرح متى الصلاة مقاسك مش زينا. احلم انت بس يعني لو حملت كده خطر ببالك شكل لبسة معينة هتلاقيها قدامك وان سألت عن ورقها - 00:34:26

فاحسن ما يكون من رقائق الحلل وان سألت عن انهارها فانهار من لبن لم يتغير طعمه انهار من خمر لزة للشاربين وانهار من غسل مصفى وان سألت عن طعامهم ففاكهة مما يتخيرون ولحم طير مما يشتهون. وان سألت عن شرابهم - 00:34:53

والتسليم والزنجبيل والكافور وان سألت عن انيتهم فانية الذهب والفضة في صفاء القوارير ويطاق عليهم بانية من فضة واكواب كانت قوارير قوارير من فضة كلمة قوارير قارورة يعني ازاز ربنا بيقول قوارير من فضة - 00:35:19

قوارير ازاز من فضة قال لك فضة في صفاء الزجاج يعني فضة رقيقة لدرجة انك تشوف اللي جواها فضة ازاز فضة ازازي ده الجنة. دي الجنة اوعى تقول ازازي - 00:35:57

قادر انيتهم الذهب والفضة ذهب في صفاء الازاز فضة في صفاء الزجاج. وان سألت عن سعة ابوابها فبين المصراعين مسيرة اربعين عاما وليأتين عليه يوم وهو كزيب من الزحام. وان سألت عن تصفيق الرياح لاشجارها فان - 00:36:24

انها تستفز بالطرب لمن يسمعها يا رب يا رب انا بستبشر بكلام الغلابة. اللهم اجمعنا في الجنة يا رب يقول لك الجنة افنان افنان يعني اغصان متداخلة تشكل في ناس بيجبوا المنازر - 00:36:56

الخلافة الطبيعية منظر حسن منظر جميل. فتلاقي شكل الشجر عامل له في يوم واحد راح رسم شجر مكون منه لا اله الا الله محمد رسول الله صلى الله عليه وسلم. كانت راسمة صورة. فالناس اخذ بلبها هذا الرسم - 00:37:33

فاحيانا وانت في الجنة آآ تقول يا رب انا نفسي آآ في لوحة جميلة تلاقي الشجر بتاعك عمل كده كده لوحة طبيعية قدام عينيك نفسك في ايه نفسك في رسمك في رسمك كذا تلاقيها قدامك موجودة كل اللي نفسك فيه - 00:37:53

الشجر ده مع تداخل الاغصان وتدلي الاوراق والثمار. الهواء بقى وهو بيهز الاغصان دي والاوراق دي تقول الله الله والعصافير طبعا مش زي العصافير بتاع الشيخ معاز لأ عصافير الجنة ده موضوع اه - 00:38:18

اه موضوع تاني مختلف. عصافير قل له يا رب انا عايز بلبل بيصاح بقى الله اكبر تلاقيه قدامك بلبل بيقول لي الازان. بلبل بيقول لي لبيك اللهم لبيك عايز آآ کروان - 00:38:46

كل اللي انت عايزه وان سألت عن ظلها ففيها شجرة واحدة شجرة واحدة. يسير الراكب المجد السريع في ظلها مائة عام لا يقطعها قل لي ده الناس بقى اللي عندهم جنة - 00:39:08

واسعى احنا هنبقى الجنة بتاعتنا حنة قد كده. لا لا لا. احنا قلنا المرة اللي فاتت ان اقل واحد في الجنة له قد الدنيا حداشر مرة قد الدنيا حداشر مرة. ما فيش حد عنده جنة ضيقة. فدانيين ولا مية فدان ولا الف فدان ولا مليون فدان - [00:39:29](#)

لأ ده اهم حاجة قد الدنيا حداشر مرة وان سألت عن سعتها فادنى اهلها يسير في ملكه وسروره وقصوره وبساتينه مسيرة الفي عام يمشي فيها الفين سنة عشان تخلص الملك بتاعك - [00:39:47](#)

سراير في الجوانب وكل حاجة كل اللي انت عايزه. وان سألت عن خيامها وقبابها بروح دول الخليج افاجأ انهم قصر قصر ضخم جدا وعامل جوة القصر خيمة هم بيحبوا كده - [00:40:14](#)

وخيم الشهر دية آآ انتم شفتهم ولا ما رحتوش هعمل لكم خيمة قريب ان شاء الله. آآ الخيمة الشهر دي سبحان الله العظيم بندخل جواها والدنيا تمطر. مطر وما تخرش نقطة مية - [00:40:31](#)

ساعة ما ينزل عليها المطر الصوف يدخل في بعضه كده ما تخرش نقطة مية سبحان الله العظيم. الشاهد ان في بعض الناس بيحبوا الخيل انت عايش في الجنة تقول له يا رب انا - [00:40:49](#)

راجل كلاسيك عايز خيمة الخيمة الواحدة من درة لؤلؤة مجوفة طولها ستون ميلا يعني تسعين كيلو ميت كيلو درة يقول لك انت عايز خيمة؟ الخيم عندنا بقى مش قماش ومش وبر ومش شعر. الخيمة لؤلؤة - [00:41:05](#)

النهاردة لو مسكوا لؤلؤة قد كده في افريقيا بيقتلوا بعضهم عليها. لا دي لؤلؤة طولها ميت كيلو الخمسة وخمسين ميل تسعين كيلو. يبقى الستين ميل ميت كيلو تقريبا. ميت كيلو متر - [00:41:41](#)

جوة الخيمة الواحدة من درة مجوفة طولها ستون ميلا في تلك القيام وان سألت عن علاليها وجواسقها ايه بقى على ليها وجواسقها دي كده يعني البلكونة يا عم الحاج - [00:41:56](#)

والمندرة اه دي علاليها وجواسقها فهي غرف من فوقها غرف مبنية تجري من تحتها الانهار وان سألت عن ارتفاعها النهاردة آآ اللي ببينوا بيوت اتنين متر ونص واقطم لما تلاقي حد عامل يقول لك انا عامل مباني مرتفعة ثلاثة متر - [00:42:13](#)

ده في الجنة بقى ارتفاعها قد ايه ارتفاعها فانزر الى الكوكب الطالع او الغارب في الافق الذي لا تكاد تناله الابصار وان سألت عن لباس اهلها فهو الحرير والذهب. وان سألت عن فروشها فبطائنها من استبرق. مفروشة في - [00:42:48](#)

اعلى الرتب. وان سألت عن ارائكها فهي الاسرة. عليها البشخانات وهي الحجاب مزررة بازرار الذهب. فما لها ما من فروج ولا خلال. وان سألت عن وجوه اهلها وحسنهم فعلى صورة القمر ليلة البدر - [00:43:11](#)

الكل الكل سيبعس يوم القيامة. اللهم اجعلنا منهم يا رب اهل الجنة على خلق ابينهم ادم ستون ذراعا في السماء ستين ذراع يعني كم اتنين واربعين متر طول الرجل اتنين واربعين متر - [00:43:36](#)

في عرض سبعة ازرع سواد رؤية يعني خمسة متر يعني طوله الاربعين متر وعرض اكتافه خمسة متر كده الكل تبعس اول زمرة الى الجنة على هيئة القمر ليلة البدر الكل وشه مدور كده ومنور قمر - [00:44:01](#)

امر اسنانهم واحدة ثلاثة وتلاتين سنة وتقف ثلاثة وتلاتين سنة ما يبقاش اربعة وتلاتين. لا لا ما فيش ثلاثة وتلاتين ويوم. هو ثلاثة وتلاتين سنة. يفضل عايش الى الابد في الجنة - [00:44:27](#)

كم ثلاثة وتلاتين وان سألت عن اسنانهم فابناء سلاسل وسلاسل على صورة ادم عليه السلام ابي البشر. وان سألت عن سماعه انا عمال ادور اجيب لكم حد نسمعه في القرآن - [00:44:45](#)

وبتوع القراء بيتقالوا علينا وبيتعبونا ومش طاييلينهم ومش عارفين نجيبهم وكل ما نتفق مع واحد ما يجيش. طب انا في الجنة عايز اسمع انا بحب اسمع قرآن عايز اسمع هتسمع - [00:45:10](#)

فان سألت عن سماعهم غناء ازواجهم من الحور العين زوجتك ما تقوليش بقى ام كلثوم ولا مش عارف مين حاجة متعة بقى ملائكة واعلى منه سماع اصوات الملائكة وهم يرتلون القرآن - [00:45:31](#)

فيه ملائكة متخصصين هيقروا لك واعلى منه مجالس الانبياء والمرسلين هنبقى قاعدين كده انا وانت في يوم من الايام يا عم شعبان

اللهم ارزقنا الجنة ها يا محمد يا صلاح ها ونبقى قاعدين يوم كده في الجنة ويقول لك ايه رأيك؟ تيجي نزور سيدنا داود نسمع منه شوية آآ - [00:45:58](#)

مزامير يلا يلا بنا ونروح نقعد عند سيدنا ده وتخلصنا داوود سيدنا داوود يقول لك باقول لك ايه تعالى نقعد مع سيدنا يوسف يحكي لنا قصته مع عمرو ادي العزيز - [00:46:24](#)

يلا بنا نقعد مع سيدنا يوسف سيدنا يوسف الجمال كله والرفقة والادب والحلاوة والامارة. خلصنا سيدنا يوسف تعال بقى نحلي بسيدنا النبي محمد. ونقعد مع سيدنا النبي صلى الله عليه وسلم. يا رسول الله قل لنا حديس سوق الجنة. صلى الله عليه - [00:46:39](#)
والرسول يقول لك ما انت في الجنة اهو يا ابني معلش عايزين نسمعه منك بسند عالي عايز اجازة انا منك يا سيدي صلى الله عليه
واله وصحبه وسلم اعلى منه سماع النبيين - [00:46:57](#)

واعلى منه خطاب رب العالمين اه خلبها دي شوية للاخر هتيجي معنا في سوق الجنة فلا يدع الله احدا في هذا المجلس الا ويحاضره
محاضرة فسوق الجنة الناس كلها هتبقى قاعد اللهم اجمعنا في سوق الجنة. اللهم اجمع هذا الجمع لا تغادر منا رجلا واحدا يا رب. يا
رب - [00:47:13](#)

اشمعى في سوق الجنة؟ ربنا كل واحد بنفسه يقول له يا فلان يا فلان يا فلان واحد واحد ربنا الله الله العزيز تكلمك بنفسه وان
سألت عن مطاياهم التي يتزاورون عليها - [00:47:55](#)

احنا بتقول ليه هنروح لسيدنا داوود وسيدنا يوسف وسيدنا سليمان وسيدنا ابو بكر وسيدنا علي ابن ابي طالب نزورهم. طب هنقطع
كل المسافة دي مشي لأ يا ابني ماشيين ربنا سبحانه وتعالى قال ايه؟ والخيل والبغال والحمير لتركبوها وزينة وايه؟ ويخلق ما لا
تعلمون - [00:48:35](#)

يعني كانوا يعرفوا الخيل والبغال والحمير. ويخلق ما لا تعلمون بقى العربية والطيارة والدبابة والنفاسة اه وقف في ستاشر اللي
خلقها الله ويخلق ما لا تعلمون فلذلك يوم القيامة في الجنة - [00:49:00](#)

نفسك في ايه طيارة عايزها آآ مروحية ولا نفاسة ولا اسرع من الصوت؟ اللي انت عايزه اتمنى يا عم رجب نفسك في طيارة شكلها
ايه؟ ملونة ولا ابيض واسود نفسك في تيار ولا انت اللي تسوق؟ - [00:49:23](#)

سبحان الملك دي الجنة يا ناس نجائب واحد يقول لك لا لا لا انا بقى نفسي اركب جمل. خد جمل بصراحة انا عايز ابقى فارس واركب
حصان اركب حصان بقى انا بقى نفسي بقى في بغلة - [00:49:54](#)

فخذ كل اللي انت عايزه مجائب تسيير بك حيس شئت بين الجنان وان سألت عن حليهم وشارتهم فيه واحد لازم يحط القلم وبتاع
يعني ايه اكسسوارات اه اكسسوارات عايز يعمل شوية اكسسوارات حاجة هنا وحاجة هنا فاساور الذهب والفضة واللؤلؤ
على الرؤوس - [00:50:17](#)

ملابس التيجان عمل لك تاج مرصع بمليون قطعة لؤلؤ بمليون لؤلؤة وان سألت عن غلمانهم الخدامين بقى وان سألت عن غلمانهم
فولدان مخلدون كانهم لؤلؤ مكنون يطوف عليهم ولدان مخلدون اذا رأيتهم حسبتهم لؤلؤ لؤلؤ لؤلؤ منسورا - [00:50:51](#)
وان سألت عن عرائسهم وازواجهم خش بقى على الله. عشان الناس المفتونين بالنسوان دين اللهم اللهم زوج شباب المسلمين من نساء
صالحات يكن عوناً لهم على امر وديناهم وزوج بنات المسلمين من رجال صالحين يكونون عوناً لهم على امر دينهن وديناهن -
[00:51:24](#)

قلت لكم ان الدنيا والكل اللي انت شايفه ده ده كل ده تقليد ده قشرة سمعت خطبة جمعة اسمها فالصو ولا ما سمعتوهاش دي؟ اه
اسمعوها خطبة الجمعة اسمها فالصو - [00:51:55](#)

بقول ايه ان كان في واحد امرأة راحت تشتري منه ذهب عشان بانص. عشان كده بنصحك قل لمراتك لو رحت عند بتاع ذهب من
غيري تبقي طالق ما تخليهاش تروح عند بتوع الذهب ابدأ لوحديها - [00:52:15](#)

فتنة واحدة راحت عند بتاع الذهب تقول له انا عايزة ده. قال لها ده تمنه عشرين الف جنيه طب انا هجيبهم منين؟ مش عارف ايه

شاف عنيتها بتلمع قال لها لكن ممكن اديه لك لو مكتيني من نفسك. بقلة الادب والسفالة دي - [00:52:32](#)

لأ كل يوم تعدي من قدام الباترينا تبص وهو ايه يقول لها ها لحد ما مرة قالت له ماشي فمكنته من نفسها واعطاها بعدما اعطاها رجعت له وجدت العقد في - [00:52:50](#)

قالت له ايه ده ؟ قال لها ها يلا قالت له امال اللي انا خدته ايه ؟ قال لها لا ده قشرة وانا هديك الاصلي فجاءت في اليوم الثاني بسكينة وطعنته ستة وتلاتين طعنة - [00:53:10](#)

قطعته حتت قلت شف الغل بتاع المرأة لما لقت انها باعت شرفها بفالصو انت بتبيع دينك بفلصه بتبيع دينك عشان ايه عشان نسوان اوعى تفكر ان النسوان اللي في الدنيا دول نسوان. دول فاصل - [00:53:24](#)

بجد انت اصل انت ما تعرفش انت لو تعرف الجمال والحلاوة الحقيقية ما كنتش تبص لهم والله ما تبص لهم ما يتبصلهمش لو تهرب بس اصل انت ما تعرفش. انت لو تعرف الجمال الحقيقي - [00:53:58](#)

في الحور العين شكلهم ايه اقول لك ايه بقى كواعب اتراب جرى في اعضائهن ماء الشباب الرسول قال اذا اعجبتك امرأة فتذكر مناتها يا ابني دي بتبول وتبرز يا ابني ده اللي انت بتشتيه ده محل - [00:54:24](#)

الحاجات الوحشة منها اما في الجنة لا بول ولا براز ولا حيض ولا نفاس نضافة تامة جرى في اعضائهن ماء الشباب فلا الورد والتفاح ما لبسته الخدود وللرمان ما تضمنته النهود - [00:54:51](#)

واللؤلؤ المنزوم ما حوته الصغور والرقرة واللطافة ما دارت عليه الخسور تجري الشمس في محاسن وجهها اذا برزت ويضيه البرق بين ثناياها اذا ابتسمت اذا قابلت حبها فقل ما شاء في تقابل النيرين واذا حادستهم فما ظنك بمحادسة الحبيبين وان ضمته - [00:55:25](#)

اليها فما ظنك بتعانق الغصنين يرى وجهه في صحن خدها كما يرى في المرأة التي جلاها سخيها ويرى مخ ساقها من وراء اللحد لا يستره جلدها ولا عظمها ولا حليها. لو اطلعت هذه المرأة - [00:55:54](#)

الحورية على الدنيا لمألت ما بين السماء والارض ريحا ونورا ولا انطفأ لها نور الشمس تسيب دي وتبص فالصم. فالصو برضو ولا استنطقت افواه الخلائق تهليلا وتكبيرا وتسيبها. ولتخرق لها ما بين الخافقين. ولا غمضت - [00:56:14](#)

قطعا غيرها كل عين ولطمست ضوء الشمس كما تطمس ضوء النجوم ولا من من على ظهرها بالله الحي القيوم ولنصيفها على رأسها نصيفها الخمار احيانا لما تتدلج كده تلبس لك طرحة وتبين شعريتين - [00:56:52](#)

من قدام كده القصة. ولا نصيفها على رأسها خير من الدنيا وما فيها وصالها اشهى اليه من جميع امانيتها ولا تزداد على طول الاحقاب الا حسنا وجمالا. ولا يزداد لها على طول المدى الا محبة ووصالا. مبرأة - [00:57:15](#)

ام من الحمل والولادة والحيض والنفاس مطهرة من المخاط والبصاق والبول والغائط عرق وسائر الادناس لا يفنى شبابها ولا تبلى ثيابها. ولا يخلق جمالها ولا يمل طيب وصالها قد قصرت - [00:57:42](#)

طرفها على زوجها فلا تطمح لاحد سواه. وقصر طرفه عليها فهي غاية امنيته وهواه قاصرات الطرف لسه الواد عبدالرحمن بيقول لي لا تزوج فلانة طالبة في كلية كذا وعملت ماجستير كذا وبتحضر دكتورة كذا - [00:58:02](#)

قلت له طب اتعاملت مع كم راجل دي واعجبت بكام راجل دي ؟ وملى عنيتها كم راجل دي وفي الاخر هتتزوج عبدالرحمن لما تقيسه بالرجالة اللي شافتهم يطلع ايه لا مش ابني لا لا اخ يعني. اخ قاعد في وسطكم دلوقتي - [00:58:31](#)

الشاهد ايه في الجنة قاصرات الطرف عين قاصرات الطرف يعني ايه عينها مغمضة قطة مغمضة ما شافتش راجل غيرك حور مقصورات في مقفول عليها الباب. ما خرجت ما شافتش دنيا - [00:58:56](#)

ما تعاملت مع ما سمعتش حد غيرك. ولا عينها شافت حد غيرك. اجيب لك عروسة منين كده ؟ قل لي انت بقى في الجنة اللهم ارزقنا الجنة. يا ابني انا مش هتجوز غير في الجنة ياه. ابنك ابنك - [00:59:24](#)

اللهم زوج شباب المسلمين يا رب ربنا يهديك يا سلامة ويجوزك ويزود شباب المسلمين. والواد احمد مات. يا رب آآ فهي غاية امنيته وهواه ان نظر اليها سرته وان امرها بطاعته اطاعته. وان غاب عنها حفظته فهو معها في غاية الاماني والامان - [00:59:44](#)

هزا ولم يطمسها قبله انس ولا جان. كلما نظر اليها امتلأ قلبه سرورا. وكلما حدسته ملأت ازنه لؤلؤا منزوما ومنسورا وازا برزت ملأت
القصر والغرفة نورا. ان سألت عن السن - [01:00:12](#)

اتراب في اعدل سن الشباب. سبتاشتر تمنناشر تسعتناشر سنة وان سألت عن الحسن فهل رأيت الشمس والقمر هل رأيت الشمس
والقمر؟ ان سألت عن الحدق عنيا شكلها ايه؟ فاحسن سواد في اصفى بياض. في احسن حور - [01:00:34](#)

ما انا قلت لك انت ما بتفهمش في الجمال. امال انت مضحك عليك من شوية لما تسألني يعني ايه احسن حور؟ اقول لك اسكت
اسكت. اصل لو عرفته هتبتن الجمال ده جمال رباني في الجنة - [01:00:58](#)

وان سألت عن القدود فهل رأيت احسن الاغصان؟ وان سألت عن النهوض فهن الكواعب نهودهن كالطف الرمان وان سألت عن اللون
فكأنهن الياقوت والمرجان. وان سألت عن حسن الخلق فهن الخيرات الحسان - [01:01:16](#)

التي جمع لهن بين الحسن والاحسان فاعطين جمال الباطن والظاهر فهن افراح النفوس قرة نوازر وان سألت عن حسن العشرة ولذة
ما هنالك. فهم العرب المتحبيات الى الازواج بلطافة التبعل التي تمتزج بالروح اي امتزاج - [01:01:36](#)

فما ظنك بامرأة اذا ضحكت في وجه زوجها اضاءت الجنة من ضحكها واذا انتقلت من قصر الى قصر قلت هذه الشمس متنقلة في
بروج فلها. واذا حضرت زوجها فيا حسن تلك - [01:01:56](#)

كالمحاضرة واذا خاصرته فيا لذة تلك المعانقة والمخالصة حديثها السحر الحلال لو انه لم يجن قتل مسلمي المتحرز ان طال لم يمل
وان هي حدست ود المحدس انها لم توجزي - [01:02:14](#)

وان غنت فيا لذة الابصار والاسماع وان انست وامتعت فيا حبذا تلك المؤانسة والامتع وان قبلت فلا شيه اشهى اليه من ذلك التقبيل
وان نولت فلا الذ ولا اطيب من ذلك التنويل. هذا ودعك من كل هذا - [01:02:35](#)

ان سألت عن يوم المزيد وزيارة العزيز الحميد ورؤية وجهه المنزه عن التمثيل والتشبيه كما ترى الشمس في الزهيرة والقمر ليلة البدر
كما تواتر عن الصادق المصدوق النقل فيه وذلك موجود في الصحاح والسنن والمسائيد - [01:03:02](#)

فاستمع يوم ينادي المنادي يا اهل الجنة ان ربكم يستزيركم فجأة وانت قاعد في الجنة اللهم ارزقنا الجنة اللهم لا تحرمنا الجنة قاعد
في الجنة في في النعيم اللي قلت لك عليه ده - [01:03:33](#)

تفاجأ منادي ينادي يا اهل الجنة ان ربكم يستزيركم يعني يطلب زيارتكم تعالوا زوروه ان ربكم يستزيركم فحي على زيارته
فيقول اهل الجنة جميعا سمعا وطاعة لربنا وينهضون الى الزيارة مبادرين - [01:04:03](#)

فازا بالنجائب قد اعدت لهم فيستوون على ظهورها مسرعين حتى اذا انتهوا الى الوادي الافيح الذي جعل لهم موعدا وجمعوا هناك
فلم يغادر الداعي منهم احدا امر الرب تبارك وتعالى بكرسيه فنصب هناك - [01:04:32](#)

ثم نصبت لهم منابر من نور ومنابر من لؤلؤ ومنابر من زبرجد ومنابر من ذهب ومنابر من فضة وجلس ادناهم وحاشاهم ان يكون فيهم
دني على كتبان المسك ناس كده - [01:05:00](#)

الناس مقامات مش كله هيقعد جنب بعضه هم درجات عند الله ناس على كراسي لؤلؤ وكراسي منابر من نور منابر من ذهب منابر من
فضة اقل واحد وما فيهمش قليل - [01:05:28](#)

معمول له كوم مسك قاعد مجعوص عليه كده تقول له ما تطلع اتفضل اقعد فوق يقول لك لا لا لا والله انا بستريح في القعدة في
الارض يا عم قم اطلع فوق والله ما هقعد الا كده - [01:05:54](#)

لان الجنة اميز ما فيها يا ابني الرضا كل واحد هيبقى راضي باللي هو فيه وسعيد باللي هو فيه ومش طمعان في اكثر من اللي هو
طاله اللهم ارزقنا الرضا يا رب - [01:06:12](#)

الرضا جنة الدنيا وجنة الآخرة ويجلس ادناهم وما فيهم دني على كتبان المسك لا يرون اصحاب الكراسي باحسن منهم مجلسا هو
مش شايف اللي قاعد على الكرسي احسن. هو شايف ان هو احسن. انا مرتاح كده - [01:06:32](#)

حتى اذا استقرت بهم مجالسهم كل واحد خد مكانه خلاص واطمأنت بهم اماكنهم. نادى المنادي يا اهل الجنة ان لكم عند الله موعدا

نريد ان ينجزكموه فيقولون وما هو؟ فيقول الله - [01:06:51](#)

يا اهل الجنة هل رضيتم فيقولون وما لنا لا نرضى يا رب الم تبيض وجوهنا وتثقل موازيننا وتدخلنا الجنة وتزحزحنا عن النار

واعطيتنا افضل ما اعطيت احدا من خلقك فبينما هم كذلك - [01:07:19](#)

السطعة لهم نور اشرفت له الجنة فرفعوا رؤوسهم فاذا الجبار جل جلاله وتقدست اسماؤه قد اشرق عليهم من فوقهم وقال يا اهل

الجنة سلام عليكم رفعوا ابصارهم ونظروا الى ربهم - [01:07:54](#)

لقد رأوا الله رأيت الله هذه العينان رأيت الله. الله الجبار الملك رأيت الله قال سلام عليكم هتقول ايه فيقولون اللهم انت السلام ومنك

السلام تباركت يا ذا الجلال والاکرام. فيتجلى لهم الرب - [01:08:45](#)

ويضحك اليهم ويقول يا اهل الجنة فيكون اول ما يسمعون منه تعالى ان يقول سبحانه اين عبادي الذين اطاعوني بالغيب

ولم يروني. اللهم اجعلنا منهم اين عبادي الذين اطاعوني بالغيب ولم يروني - [01:09:25](#)

هترفع راسك كده تقول انا يا رب انا هو انا يا رب ولا هتتكسف ترفع راسك يقول سلوني فيجمعون على كلمة واحدة ارض عنا قالوا

جميعا نسألك الرضا فيكون الله - [01:09:59](#)

يا اهل الجنة لو اني لم ارضى عنكم لم اسكنكم جنتي هذا يوم المزيد احل عليكم رضواني فلا اسخط بعده ابدا اللهم اجعلنا منهم

فيجتمعون على كلمة واحدة ارينا وجهك ننظر اليك - [01:10:31](#)

في كشف لهم الرب جل جلاله الحجب ويتجلى لهم فيغشاهم من نوره ولولا ان الله قضى الا يحترقوا ولا يبقى في ذلك المجلس احد

الا حاضره ربه محاضرة كل واحد قاعد في المجلس ده - [01:11:00](#)

ربنا هيكلهم واحد واحد كده يا فلان فاكر يوم كذا يا فلان فاكر يوم درس الاربع لما اتكلموا عن وانت قلبك انت دلوقتي شايفني كل

واحد ربنا يكلمه كلام خاص - [01:11:32](#)

لوحده حتى يقول لاحدهم اي فل يفل فول ترخيم فلان اسم الدلع بيدلعه الواد احمد ده يقول يا حمادة شعبان يا شعب يقول له اسم

الدلع ايفون اتذكر يوم فعلت كذا وكذا - [01:11:58](#)

يذكره ببعض غدراته في الدنيا فيقول يا رب الم تغفر لي يا رب ما تخرجنيش بقى ما تكسفنيش انا فيقول الله له بلى بمغفرتي لك

بلغت منزلتك هذه. فيا لذة الاسماع بتلك المحاضرة - [01:12:28](#)

ويا قره عيون الابرار بالنز الى وجه الكريم في الدار الاخرة. ويا زلة الراجعين بالصفقة الخاسرة وجوه يومئذ ناضرة الى ربها ناظرة

ووجوه يومئذ باسرة تظن ان يفعل بها فاقرة فحي على جنات عدن فانها منازلك الاولى - [01:13:01](#)

اولى وفيها المخيم ولكننا سبي العدو. فهل ترى نعود الى اوطاننا تلك الجنة هذه الجنة التي وعد المتقون يا ترى من يشتري الجنة هي

بقي مش ببلاش ولا بالاماني دي سلعة غالية - [01:13:31](#)

ابن القيم بقى يقول ايه؟ فيا عجا من سفيه في صورة حليم ومعتوه في سلاح عاقل. اسر الحظ الفاني الخسيس على الحظ الباقي

النفيس وباع جنة عرضها السماوات والارض بسجن ضيق - [01:14:11](#)

بين ارباب العاهات والباليات. باع باع مساكن طيبة في جنات عدن تجري من تحتها الانهار باعطان ضيقة اخرها الخراب والبوار باع

ابكارا عربا اترايا كانهن الياقوت والمرجان بقذرات دنيسات سيئات الاخلاق - [01:14:37](#)

مسافحات او متخزات اخدان باع حورا مقصورات في الخيام بخبيثات مسييات بين الانام باع انها من خمر لذة للشاربين بشراب

نجس مذهب للعقل مفسد للدنيا والدين. باع لذة النظر الى وجه الله الكريم - [01:15:12](#)

بالتمتع برؤية الوجه القبيح الزميم. باع باع سماع سماع الخطاب من الرحمن بسماع المعازف والغناء والالحن. باع الجلوس على منابر

اللؤلؤ والياقوت والزبرجد والذهب والفضة المزيد بالجلوس في مجالس الفسق مع كل شيطان مريد. باع نداء المنادي يا اهل الجنة

هل لكم ان تنعموا فلا - [01:15:36](#)

وتحيوا فلا تموتوا وتقيموا فلا تطعنوا وتشبوا فلا تهرموا بغناء المغنين الفاسقين باع صفقة خاسرة باع الاخرة واشترى دنيا فانية وانما

يزهر الغبن الفاحش في هذا البيع يوم القيامة وانما يتبين سفه بائعه - [01:16:07](#)

يوم الحسرة والندامة اذا حشر المتقون الى الرحمن وفدا وسيق المجرمون الى جهنم وردا ونادى المنادي على رؤوس الاشهاد ليعلمن
اهل الموقف من اولى بالكرم من العباد فلو توهم المتخلف - [01:16:47](#)

ما اعد الله لعباده المؤمنين من الاكرام وادخر لهم من الفضل والانعام وما اخفي لهم من قرة عين لعلم اي بضاعة اضاع وانه لا خير
في هذه الدنيا وهو معدود من سخط المتاح - [01:17:11](#)

وعلم ان القوم توسطوا ملكا كبيرا لا تعتريه الافات ولا يلحقه الزوال وفازوا بالنعيم المقيم في جوار الكبير المتعال. اللهم ارزقنا الجنة
بالله ما عذر امرئ هو مؤمن حقا بهذا - [01:17:36](#)

ليس باليقظان بل قلبه في رقدة فاذا استفاق فلبسه حلة الكسلان تالله لو شاقتك جنات النعيم طلبتها بنفائس الاسمان وسعيت جهدك
في وصال نواعم وكواعب بيض الوجوه حيسانى جليت عليك عرائس - [01:18:02](#)

الليلة دي قلناها بصراحة جليت عليك ووضعها تليت عليك عرائس والله لو تجلى على صخر من الصوان رقت حواشيه قلبك فين بقى
لو الكلام ده اتقال لصخر لرق دقت حواشيه وعاد لوقته ينهال مسل نقي من الكسبان لكن قلبك في القساوة جاز حده - [01:18:36](#)

الصخرة والحصباء في اشجان لو هزك الشوق المقيم قيل لي عبدالله بن مسعود شوقنا فقال ان في الجنة حورية لولا ان الله كتب
على اهل الجنة الا يموتوا لماتوا من حسننها وجمالها - [01:19:10](#)

فلم يزل السائل كميدا يقول لك واحدة جميلة لدرجة تموت اذا شفتها تيجي لك لكن ربنا سبت العقول لو هزك الشوق لو اشتقت
النهاردة انك تشوف الشجرة اللي ربنا غرسها بيده - [01:19:46](#)

لو اشتقت النهاردة انك تشوف حورية من الحور العين. لو اشتقت لليلة دي انك تشوف سيدنا النبي. لو اشتقت لبلادي انك تشوف
عرش ربنا لو اشتقت انك تنزر الى وجه الله - [01:20:11](#)

لو هزك الشوق المقيم وكنت ذا حس لما استبدلت بالاهوان لو صادفت منك الصفات حياة قلب كنت ذا طلب لهذا الشأن ولكن يا
حسرتاه خود تزف الى ضرير مقعد يا محنة الحسناء بالعميان. شمس تزف لعنين - [01:20:33](#)

وما حيلة العنين في الغشيان يا سلعة الرحمن قال رسول الله صلى الله عليه وسلم الا ان سلعة الله غالية. الا ان سلعة الله غالية هي
الجنة يا سلعة الرحمن لست رخيصة - [01:21:10](#)

بل انت غالية على الكسلان يا سلعة الرحمن ليس ليس ينالها في الف الف واحد لسنا يا سلعة الرحمن مازا كفؤها؟ الا اولوا التقوى مع
الايمان يا سلعة الرحمن سوقك كاسد - [01:21:30](#)

بين الارازل سفلة الحيوان يا سلعة الرحمن اين المشتري؟ من يشتري الجنة؟ اللهم اجعلنا من اهل الجنة يا سلعة الرحمن اين
المشتري؟ فلقد عرضت بايسر الاسمان يا سلعة الرحمن هل من خاطب - [01:21:50](#)

فالمهر قبل الموت زو امكاني يا سلعة الرحمن كيف تصبر الخطاب عنك وهم زو امكان ذو ايماني يا سلعة الرحمن لولا انها حجت بكل
مكاره الانسان ما كان عنها قط من - [01:22:08](#)

خلفي ولا تعطلت دار الجزاء الثاني لكنها حجت بكل كريمة ليصد عنها المبطل المتواني وتنالها الهمم التي تسمو الى رب العلا بمشيئة
الرحمن فانتعب فانتعب ليوم ميعادك الادنى تجد راحاته يوم المعاد الساني - [01:22:28](#)

من يشتري الجنة الليلة الليلة في هذه الليلة بقيام ليلة وصيام نهار غد وقد دخلت الجنة. اللهم اجعلنا منهم. احبكم في الله. والسلام
عليكم - [01:22:58](#)